



808

3-70





2655-42

808

2-

Ա Ռ Ձ Ե Ռ Ն

# ԲՆԵԱՍՏԵՂ ԾՈՒԹԻՒՆ

ՀԱՄԱԹՕՏԵԱԼ

Ի Հ. Ե Դ Ո Ւ Ա Ր Դ Ա Յ Վ Ա Ր Դ Ա Պ Ե Տ Ի

Հ Ի Ի Ր Մ Ի Ի Ձ Ե Ա Ն Մ Ի Ի Թ Ա Ր Ե Ա Ն Յ

1001  
2210



Ի ՎԵՆԵՏԻԿ

Ի ՍՈՒՐԲԵ ՂԱԶԱՐ

—

1859

808  
-5

THE UNIVERSITY OF CHICAGO

LIBRARY

PHYSICS DEPARTMENT

5712 DIVISION




1001  
0155

PHYSICS DEPARTMENT

5712 DIVISION

1933

ԲՆԵՄՏԵՂ ԾՈՒԹԻՒՆ



ԴԱՍ Ա

Բնդհանուր տեղեկութիւն զտաղաչափութեանէ . — Կազմութիւն չափուց ոտիցն :

Հ . Օ խնջ է տաղաչափութիւն .

Պ . Բան բաղկացեալ չափմամբ ոտից կամ վանկից :

Հ . Առ ինչ հնարեցաւ այս .

Պ . Յօժանդակութիւն խանդից քերթողին :

Հ . Արդեօք լեզուն քերթողական 'ի չափ ոտից ևեթ կատարի .

Պ . Այլ այնչափ այլ ևս խարութիւնք են ընդ չափեալ և ընդ արձակ բան ըստ զլիսաւոր հանդամանաց լեզուին, ըստ հօլովոց, ըստ բայիցն խոնարհմանց, ըստ խընդրառութեանց, ըստ համաձայնութեան, և ըստ բառից արատութեան, մինչև ըստ

նիւթականին և սկազմութեան զանազանել  
ամենեւին քերթողական լեզուի 'ի ճարտա-  
սանականէն : Օր օրինակ զգիմերոյ զօ-  
րացն քրիստոնէից յարեւելս մարթի ճար-  
տասանին ասել . Գան սրտմտեալ բարկու-  
թեամբ հանգոյն կուտակելոց ալեաց ծո-  
վու , բազմութիւն յոյժ որպէս զաւազ առ  
ափն ծովու , և որպէս զաստեղս երկնից  
բազմութեամբ . և ծածկեն զերեսս եր-  
կրի որպէս զձիւն սպիտակ իբրև զասր :  
Բայց Շնորհալին զսոյն զայս բացատրէ  
այսպէս .

« Իբր ըզծովու ալեաց կուտակ  
Բորբոքելով զան խիստ ու բարկ .  
Ըփան ծովու աւզի գունակ ,  
Կամ զերգ աստեղս երկնից 'ի կարգ .  
Ի ընուն զամէն երկրի ատակ ,  
Որպէս ըզձիւն ասրաքատակ » :

Հ . Որպէս կազմի չափ ոտիցն կամ  
վանկից .

Պ . Ընդամատութեամբ , այսինքն բա-  
ժանեալ թուով զանդամս , ուր շեշտքն ան-  
կանին : Եւ քանզի առ մեզ սովորաբար 'ի  
վերջս բառից կայ շեշտն , անդ հատանի  
և անդամն , զի շեշտն ըստ կարգի պատա-  
հեսցէ . ուստի անդամքն վասն շեշտին են ,  
և շեշտին բաժանին . զոր օրինակ

« Օ ի է պարծանք ըստոյդ , և թաղ ար-  
բունական ,



Որպէս զրբէ՛ Պօղոս , անօ՛թն այն ընտ-  
րութեան .

Տիմոթէոս որդեակ , լիցին 'ի խրա-  
խութեան ,

Ընամօ՛թ քարոզ խաչին վըկայութեան» :

Յորս , որպէս տեսանի , շեշտն է որ  
յարմարէ զիմաստսն և զչափս , կարով 'ի  
վերջ այնպիսի բառի՝ որ հարկաւ կապակ-  
ցեալ է ընդ յաջորդին , և սքանչելի փո-  
փոխութիւն ածէ 'ի տողսն , քան զոր չիք  
ինչ կարևոր առ 'ի զուարճացուցանել :  
Վասն որոյ որչափ ըստ բնական շեշտիցն  
հատուածեալ իցեն անդամքն , այնչափ  
քաղցր և բնական լինի կազմած տողին ,  
և յայսմ է ճարտարութիւն տաղաչափին , և  
այսմ ուշ ունին քաջ քերթողք մեր հինք և  
արդիք . թէպէտ և մարթի լինել ուրեք  
ուրեք աղատութիւն ինչ կամ համարձա-  
կութիւն որպէս և յայլ լեզուս :

Սովին օրինակաւ պարզին և իմաստք  
բազում տողից , զորս ըստ բառիցն շարա-  
կարգութեան մարթ էր յայլևայլ միտս առ-  
նուլ : Օրինակ իմն յընթեւնուլ ուրուք

« Ըստ անձան լուսոյն ծագումն... »

Գրլիսոյն ընտրեալ հօտին փոքու... »

ոչ ինչ տարակուսեալ երկմտեսցի՝ զի ան-  
ճառ ածական է ըստայն , և ոչ ծագման . և  
ընթեալ ածական է հօտին , և ոչ գլխոյն :

Հ. Ապա ուրեմն բառք յարաշեշտք և նախայարաշեշտք, որոյ շեշտք ոչ ՚ի վերջ բառիցն անկանին, չմարթին կազմել անդամս .

Պ. Կազմեն իսկ, այլ զմասն մնացեալ զինի շեշտին՝ տալով յաջորդ անդամոյն .  
զորօրինակ առնէ Շնորհալին

« Արպէս և յայնժամ ըզնոսին :

Վարեն մինչ յայնկոյս անբընակ :

Արպէս և անդանօր տեսեր » :

Վերջինս այս, և հանգոյն սորին կատարեալ ածանցք, քանզի և ՚ի վերջին վանկըն շեշտին հանգստեամբն, յաճախ ևս անդ գործեն զանդամ : Բայց ընդ յարաշեշտ և ընդ նախայարաշեշտ բառս նկատելի են ամենայն սերտ կցորդութիւնք բառից ընդ միմեանս՝ որք շեշտիւ միշտ կցորդին . զոր օրինակ հայր մեր, ընտանիք մեր . դիմեալ փան, այսըր փան, Բեզէ ք և , ոչ էնէ , Յէզ փամ, յանչն առնէմ, ևն . վասն որոյ խորթ և անարուեստ կազմի տող՝ որոյ անդամք ՚ի վերջն անկանիցին փոխանակ ՚ի շեշտն անկանելոյ բառիցս յայնժամ, յայնկոյս, Ի-բա-  
+անլի-բ ու , Բայն փաւ, փեղի փաւ, Բէ Լինիբ, ուլգի-  
փէս , Բարուն անգամ, ևն : Վասն որոյ ասելի է ըստ Շնորհալոյն .

« Տարբըն տեղի տայր և լուէր :

Թէ և բազում անդամ ջանայ :

Չի յորժամ ոչ գիտես, կոչիս :

Չարեացըն մի լինիր նրման :

Իւրաքանչիւր ոք ըստ կարգին :

Եւ ըզմեզ ոչ թողուլ հայցէր » :

Իսկ 'ի վերջ վանկից՝ որ և ձայնաւորաւ բաղկանան՝ բաժանել անդամ, ոչ միայն խորթ է և անարուեստ՝ այլ և վրիպակ մեծ և ոչ ուրեք երբէք գտանի առ նախնիս : Եւ պատճառն յայտնի իսկ է. զի ոչ երբէք վանկն այն ընդունակ է շեշտի. վասն որոյ բաժանելի է ըստ Շնորհալուոյն

« Բամեալ 'ի քերքս տարրապէս :

Որպէս ըզտիպսըն բիբ ակին :

Երրորդութեանըն միաբուն :

Յորժամ մարմնովըն մերունակ :

Արեամբ և ջրովըն զիս լուա » :

## ԴԱՍ Բ

Չափ անդամոց և սողից :

Հ. Իցե՞ն ինչ սահմանեալ թիւք վանկից անդամոցն և սողից.

Պ. Թիւք վանկից միոյ միոյ 'ի սողից գտանին առ նախնիս մեր 'ի հնդէ մինչև ցվեշտասան 'ի կիր արկեալ. Հինգոսնեանն չբաժանի սովորաբար յանդամս. զոր օրինակ

« Ի քէն տէր հայցեմ  
Ի մարդասիրէդ  
Ինձ բրժրչկութիւն .  
Ի քր կեանք մեռելոյս ,  
Ի յոս խաւարելոյս  
Ի ուժանող ցաւոյս » :

Իսկ զայլոցն անդամս ազատ է քերթողն  
հատանել ըստ կամի և ըստ ճարտարու-  
թեան իւրում յազգս ազգս գեղայարմար  
ներդաշնակութեանց : Սովորաբար 'ի հա-  
ւասար անդամս բաժանին որք մարթինն .  
զոր օրինակ

« Ոչ կարօտի | աշխարհ առ տիւ | արե-  
գական ,  
Եւ կամ լուսին | սւաստեղբ 'ի լոյս |  
գիշերական ,  
Յորժամ ծագէ | լոյսն անմատոյց |  
աստուածութեան » :

Բայց և անհաւասար անդամոց բազում  
են օրինակք 'ի նախնեաց . զոր օրինակ նոյն  
ինքն Շնորհալի զնոյնաչափ տողս բաժա-  
նէ այսպէս .

« Ի գաւազանէն | Յեսեայ | ստեղնեալ  
Ստեփանոս ,  
Ըռաջին պրտուղ | ծառոյն | որ 'ի Գող-  
գոթա .  
Երփնազարդ պրճնեալ | գեղով | նը-  
ման հրեշտակի ,

Բուրուառ սփեղէն | խընկոյ | զհոս  
անոյշ բուրեալ .

Աշից աստիճան | զործեալ | զհար-  
կանող քարինս ,

Բնդ ինքեան հանեալ | զբազումս |  
յերկնային խորանս » :

Տ . Ի թիւս վանկից անգամոյն իցէ  
ինչ ազատութիւն քերթողին .

Պ . Այո , քերթողք մեր երբեմն զսո-  
ղից ոմանց զառաջին անգամս միով կամ  
երկուք և աւելի ևս վանկիւ սլակաս առ-  
նեն , և ըսուն զթերի չափոյն կամ զամա-  
նակին՝ երկարելով զձայնաւորն , մանա-  
ւանդ 'ի հրամայական բայս , 'ի կոչական  
անուանս , 'ի միջարկութիւնս , կամ ուր  
ուրեք զօրաւորագոյն անկանի շեշտ . զոր  
օրինակ

« Ողբացէք եկեղեցիք ,

Հարսունք վերին առադաստի : —

Բէն տառ չէ՛ բանի սկըսուած ,

Այլ ակամայ բըռնաղբօսած : —

Բարձրացուցէք ըզտէր Աստուած մեր  
միաբան ,

Մարդարէն յառաջ ձայնեալ տայ ձեզ  
հրաման : —

Դուք որդիք նոր Միսնի նորոյ ծնըն-  
դեան ,

Օրհներգութեամբ սլատուել ըզսա էք  
սլարտական : —

Քանզի սչ նայիմք 'ի սոսկ փայտ եղա-  
կան,

Այլ որ 'ի սա է Քանն անեղ մեզյան  
զիման: —

Տիմոթէոս որդեակ լիցիս 'ի խրատու-  
թեան,

Անամօթ քարոզ խաչին վըկայութեան:—  
Քարձրագո՛չ ձայնիւ զոչէր տէրն 'ի  
խաչին » :

Հ. Հարկ իցէ անդամոց ամենայն տո-  
ղից զոլ հաւասարաթիւ .

Պ. Ոչ . այլ վայելուչ և կարևոր ազա-  
տութիւն է քերթողին շարախառնել տողս  
այլաչափս 'ի քնարական քերթութիւնս ,  
որպէս և առ 'ի նախնեաց մերոց բազումք  
են մեզ օրինակք .

Եօթնոտնեան և տասնոտնեան խառն :

7 . « Համբառնալով զաչրս մեր ,

7 . Արդամք առ քեզ մարդասէր ,

10 . Որ յահեղակերպ աթոռը նըստիս :

7 . « Բնդ հովանեաւ աջոյ քո

7 . Պահէա ըզմեզ բազմազութ ,

10 . Որ յանմարմնական զօրացըզ զո-  
վիս » :

Եօթնօտնեան , ութօտնեան և վեցօտնեան  
խառն :

7. « Ահաւոր ես թաղաւոր ,
8. Քրովբէական ձայնիւ օրհնեալ ,
6. Ի յերկինս 'ի յերկրի
8. Եւ յամենայն ժամանակի :
7. « Ահաւոր ես թաղաւոր ,
8. Որ նորոգես զքո զարարածս .
6. Հաստատես 'ի հաւատս ,
8. Ի գիտութիւն ճրջմարտութեան » :

Եօթնօտնեան և վեցօտնեան խառն :

7. « Առաւօտեան սուրբ կանայքն
7. Հանդերձ իւղովք և խրնկովք
7. Եկին 'ի սուրբ զերեզմանն ,
7. Եւ ողբալով խրնդրէին
6. Օհնմահ փառաց թաղաւորն :
7. « Աստուածասէր սուրբ կանայք ,
7. Փութացարուք հեռեեալ ,
7. Պաամոզ լինել Պետրոսի
7. Եւ Յովհաննու սիրելոյ ,
6. Յարեաւ փառաց թաղաւորն » :

Բոստ այսմ օրինակի մարթ է քերթո զին  
զամենայն խառնս ներդաշնակաւորս յօր ի  
նել յազգի ազգի այլաչափ տողից :

Գ Ա Ս Գ

Յանգ տողից :

Հ. Օրէն իցէ առանց հանդստի իմաստիցն աւարտել զտողս .

Պ. Սովորաբար ոչ է օրէն սկսանել իմաստ ինչ 'ի միում տողի, և աւարտել զայն 'ի միւսումն, և մանաւանդ 'ի մասին ինչ միւսոյն, այլ 'ի յանդս տողից զհանդիստ իմաստիցն պատկանել. զոր օրինակ

« Բաճեալ սրբոցրն լուսավառ,  
Գնասցեն յերկինս 'ի տունն անձառ .

Սա միջակին է խրատ մարդոյս ,

Յորժամ շարժի ակտիցրն բոյս » . Ընդհ :

Բայց մարթ է հանձարով և ճարտարութեամբ զհակառակն ևս վայելչապէս 'ի կիր արկանել, շարայարելով առանց հանդրստեան զտողս ընդ իրեարս, որպէս ուրեք ուրեք առնէ Ընորհալի .

« Եւ ոչ յերկրորդ կամ յերրորդին

Պահու, սպասեմ գալոյ քոյին : —

Երկրրպագեալ յանմարմնական

Ջօրացն, ընդ Հօր և սուրբ Հոգին : —

Բստ լի ամաց քոյ երեսնից

Գրեցան և տունբրս գովեստից

Ի հիւանդոտ և ցաւալից



Ընձնէ, յաւուրըս քառասնից : —

Երուսաղէմ քաղաք մեծի  
Թաղաւորին երկնաւորի : —

Ի յԱբգարէ Թաղաւորէ  
Նոցունց՝ շինեալ ես լինէի : —

Թէ չիք հընար ՚ի փորձանաց՝ որ մար-  
դոյ գան՝

Փրրկիլ ումբ, քան աղօթիւքն մար-  
բական : —

Բարձրագոչ ձայնիւ գոչէր տէրն ՚ի խա-  
չին

Օկիէլին, և աւանդէր առ հայր զհո-  
գին : —

Այլ և ըզճանր և ըզնրսեմ կիրս մար-  
մնական

Եդեալ ՚ի բաց, Թոիցուք այսօր յերկ-  
նից կայան : —

Տէր իմ, ընդէր վէրք ՚ի քո ձեռս ան-  
պարտական ...

Պատասխանէ. Յիմ սիրելեացն ՚ի  
հրէաստան

Ես ընկալայ, և զայս սրահեմ ՚ի յա-  
պագայն » :

Հ. Օխնչ է յանդն .

Պ. Նմանավերջութիւն երկուց կամ  
բազում տողից ոտանաւորաց :

Հ. Օրէն իցէ անյանդ յօրինել տաղս .

Պ. Եւ կարի իսկ քաջ, մանաւանդ առ

մեզ, զի ոտանաւ որ մեր և առանց յանդիցն  
խակ նմանութեան զանազանի բաւականա-  
պէս 'ի հեռեակ բանէ : Առ այս և 'ի  
շարականս մեր և այլուր բազումք են օրի-  
նակք . զոր օրինակ

« Աորահրաշ պըսակաւոր  
Եւ զօրագլուխ առաքինեաց ,  
Վ արեցար զինու Հոգւոյն  
Արիաբար ընդդէմ մահու .  
Վ արդան քաջ նահատակ ,  
Որ վանեցեր ըզթըշնամին ,  
Վ արգագոյն արեամբըդ քով  
Պըսակեցեր զեկեղեցի » :

Ուր , որպէս քաջ տեսանի , ներդաշ-  
նակութիւն մեծ առանց յանդիցն նմանու-  
թեան յօրինէ քերթողն որպէս և յամե-  
նայն տաղին : Բայց գեղեցկութիւն մեծ  
և առաւելագոյն յոյժ ներդաշնակութիւն  
յօրինեն յանգք , մանաւանդ ճարտարու-  
թեամբ և ըստ կանոնաց 'ի կիր առեալ :

Հ . Ո՞ր իցեն կանոնք յանդիցն նմանու-  
թեան .

Պ . Աթէ 'ի սլարզ ձայնաւոր յանդիցի  
տողն , այն և եթ ձայն բաւական է . զոր  
օրինակ

« Ո՞ւր են գահոյք թագաւորի  
Վ աղարշապատ քո քաղաքի .  
Կամ նախարարքն ո՞ւր արքայի ,

Այրարատեանըդ գաւառի .

Ուր զօրականքն յասպարիզի

Կամ լեղէոնքն 'ի ճակատի .

Ուր մեծամեծքն 'ի բազմոցի .

Կամ ուր սեղանն ամենալի » . Եւորհ :

Բայց լաւ ևս յօրինի յանդն և ճոխ , եթէ  
դէթ և նախագաս բաղաձայնն՝ որ զվեր-  
ջին վանկն գործէ՝ նոյն իցէ կամ լծորդ .  
զոր օրինակ

« Ար քեզ հասին յայնրմ վայրի

Բողոր ամէն մասունք չարի : —

Վասն իմ 'ի լայ նիսա և 'ի սըղի ,

Շարժեա 'ի յողք զամէն հողի : —

Են էապէս մեզ քարոզէ

Օ Արէնն ուսեալ 'ի Մովսիսէ » :

Իսկ եթէ 'ի բաղաձայն յանդիցի աողն ,  
հարկ է զի նախագաս ձայնաւորի նոյն  
իցէ ամենեին , և բաղաձայնն՝ որ զկնի՝  
կամ նոյն և կամ դէթ լծորդ . ապա թէ  
ոչ , չէ բաւական : Լաւ ևս և ճոխագոյն՝  
գործի յանդն , եթէ բաղաձայնն ևս՝ որ  
յառաջէ քան զձայնաւորն զայն՝ իցէ նոյն  
կամ լծորդ , այսինքն եթէ վերջին վանկն  
ողջոյն նոյն իցէ . զոր օրինակ

« Երբջին կոծով զնացողքն գարշ ,

Կասպար մեղացն անկցին 'ի քարշ : —

Հանդչել ասէ 'ի չար ախտէն ,

Օանիր թէ մերձ է որ դատէն : —

Նորոգ , ասէ , երիտասարդ  
Օ իմաստութիւն զգեցիր քեզ զարգ : —  
Մատուցանէ քեզ օրինակ  
Օ որս 'ի մանկանց բարեաց ունակ ,  
Բզ՛յանիէլ մանուկ յըստակ ,  
Որ և ցանկայր նըմա հրեշտակ » :

Համառօտ ասել , որչափ առատագոյնք  
իցեն նոյնատառք յանդից , այնչափ ևս  
առաւել գեղեցիկ է յանգն . որպէս զև  
եթէ կրկին վանկք 'ի յանգս գիպեսցին  
նմանք , ախորժելի յոյժ գործի ներդաշնա-  
կութիւն . զոր օրինակ

« Ի ին լուր , ասէ , հօր քո խրատու ,  
Յորմէ շահիս բան լուսատու : —  
Եւ թէ մըտօք ես բուժ և դուլ ,  
Զանիւ զիմաստըս կեր և կուլ : —  
Լուր և անսա իմում բանիս ,  
Արանելի և մեծ լինիս  
Աթէ զերկիւղ տեառն ուսանիս : —  
Նըմանաբար խորհուրդ խորին  
Յայտնէ և միւս անուն նորին : —  
Մերժէ 'ի բաց զախտըս տարտամ ,  
Գործով բարեաց առնէ փարթամ » :

ԴԱՍ Դ

Հ. Խիստ թուի այդքան երկիւղածու  
թիւն 'ի յանգս, ուր Շնորհալին մեր քաջ  
տաղաչափ 'ի զեղեցկագոյն տաղս իւր 'ի  
յանգ ածէ զբառքս ուր ընդ դօրաւոր, սակա-  
րնդ գերակայ, անէրբ ընդ անդաբաբէր, այլով  
քրն հանդերձ. զոր օրինակ

« Արպէս զայդի մեծ տաշտաւոր, . .

Կամ բարունակ ողկուզաւոր,

Իբր 'ի յանկեան տունկ սորեկ որթ

Տեղւոջ պարարտ և զօրաւոր :—

Թէ և մեռայք այժմ 'ի մարմնի,

Կեանք առ Վրիստոս ծածեալ ունիք :—

Եւ այս 'ի յամս էր ոչ սակաւ

Ըյլ քառասուն կամ զերակայ :—

Ըստ զաւանսրն պարագայ,

Որ շուրջ զինև կային 'ի ճահ,

Ըւերեցին և քանդեցին,

Հողաբլուր թողին զնոսա :—

Ըյլ անվախճան է և աներբ

Եւ յաւիտեան անպարաբեր :—

Ընյաղթելի սուրբ զօրութիւնք

Ի յարարչին փառատորութիւն » :

Պ. Վեր 'ի վերոյ հայեցեալ 'ի տողսգ,  
թուի ազատութեամբ վարեալ քերթողին.  
այլ ընթեռնուին զնոսա ուշիւ, կատա

բեալ նոյնայանգութիւն ազդի լսելեաց :  
Քանզի յառաջնումն թ ռԵ բառին խառ-  
նեալ ընդ յաջորդ տիւնն՝ մնայ ռ. յեր-  
կրորդումն 'ի Տաճի զկնի ունելով զկ բա-  
ռին Կեանք, զործէ ընդ նմա զլանդս Կ նոյն  
ընդ Է. իսկ յերրորդումն, 'ի չորրորդումն  
և 'ի հինգերորդումն տառքս -, Կ, Բ, Գ,  
կցին ընդ ձայնաւորս յաջորդ տողիցն, և  
մնան յանգքն նմանաձայն :

Ապաքէն երևի ուրեք ուրեք և առ նախ  
նի քերթողս մեր կարի իմն ազատութեամբ  
զանբաղազոյցս 'ի յանգից 'ի մի լծորդել .  
որպէս աւ ընդ աւ, եւ ընդ եւ, աւտ ընդ  
աւ, աւ ընդ աւ, աւ ընդ աւ, աւ ընդ աւ,  
աւ ընդ աւ և այլ այսպիսիք . բայց  
այսոքիկ չեն հետեւելի, այլ մանաւանդ  
զգուշալի են, բայց 'ի լծորդ աասից՝ որ  
վայելչապէս կազմեն զնմանաձայնութիւն  
յանգից. զոր օրինակ

« Այեայ և տես, ասէ, զՅովսէփ  
Բզհրեշտակաց նրմանն 'ի գէտ :  
Ում թէ սրբախ լինիս 'ի յոյզ  
Եւ տաս աճել իբրև ըզոյս,  
Օ հոգիդ մաքուր պահէ և լոյս : —  
Օ ի մի կրեսցես զոր ասաց տէր,  
Օ տանջեն 'ի հուրն մահաբեր : —  
Ճէն ճառագայթ առ 'ի սրբաէզ,  
Ասէ, ծագեա լուսոյ հանգէտ : —

Յեկեղեցիսըն խաւարած

Յայնժամ վառի լոյս կանթեղաց : --

Աէր աշխարհիս այս ախտաշարժ

Ետել խրատէ զաղտեղի դարչ » :

Եյսպիսի յանգք կազմեալք 'ի լծորդաց  
գեղեցիկք են, որպէս ազգումն իսկ լսելեաց  
վկայէ :

Շ . Իցէ ինչ այլ նկատելի 'ի յանգս բաց  
'ի նմանաձայնութենէ :

Պ . Եյո ամենեւին . զի թէպէտ և ամե-  
նեւին նմանաձայնք իցեն , այլ ոչ այնպէս  
զուարճացուցանեն զմիտս՝ եթէ իցեն նոյն  
մասունք բանի նոյնահոլովք , կամ յար և  
նման միմեանց ածանցեալք . զի ոչ է ճար-  
տարութիւն քերթողի յօրինել տողս հան-  
դոյն այսոցիկ .

« Օբանս բարիս հեղ 'ի լեզուէդ ,

Օղորմութիւն 'ի ձեռանէդ : —

Մինչդեռ յիշեմ զօրն ահագին ,

Եւ զառաւօարն մըթազին : —

Որպէս այգի մեծ տաշտաւոր

Կամ բարունակ սղկուզաւոր : —

Չայնս ահագինըս հրնչէին ,

Մինչ զի զերկիր դըղըրգէին

Մի արբամիցիք այլազգաբար ,

Օերդ հեթանոս կամ հրէաբար » :

Օի թէպէտ և գեղեցիկք են տողքս ,  
այլ ոչ որպէս այլուք նոյն քերթող յայլ և

այլ մասանց բանի և յայլ և այլ հօլովոց յօ-  
րինէ յանգս . զոր օրինակ

« Բայց և ծնողաց մեր հանգերձ քերք

Եկցի յիշումն յաւուրն աներբ : —

Սա միջակին է խրատ մարդոյս ,

Յորժամ շարժի ախտիցըն բոյս : —

Բարունական սիրոյն ախար

Կացուցանէ անմիջաբար : —

Մեծին ծագմամբ չփայլեն այլում ,

Մինչ փայլակէ լոյսն անօգատում : —

Լայն ճանապարհըն հետեւել

Տանի 'ի գուբ խորին և անել : —

'Արմանաբար խորհուրդ խորին

Յայսնէ և միւս անուն նորին : —

Աբրոյ 'ի բաց լեր աշխարհիս ,

Եւ յԱստուծոյ սէրըն վառիս :

Ի ցասմանէ դու 'ի բաց լեր ,

Եւ մի ըզբանըս թունաբեր

Ըս 'ի սրբաէդ յառաջ բերեր : —

Պըրտուեայ տապանն , առէ , զՍովսէս

Եւ Յակովբայ զարմին հանդէս » :

Յայսմ ամենայնէ 'ի միա առնուլ է , զի  
տաղըն այնօրիկ միաձայնք յանդեպք ծայր  
'ի ծայր 'ի սեռական անուանս խորանին ;  
Վիճին , Սիռնին , նոյին , Կախարանին , Լն , կամ  
'ի բայս անկատարս փագնապէին , գնային , գո-  
ւէին , Գրփային , հնէին , ԴԼԸԴԷԻՆ , խիզախէին ևն ,  
ձանձրալի են , թէպէտև 'ի քերթողաց



առաջնոց 'ի կիր առեալ . զի նոքին իսկ ուր առաւելագոյն ուշիւ և արուեստաբար տաղաչափել կամին, փոխեն զյանդս, և գեղեցկայօրէն կազմեն տաղս նախանձելիս քերթողաց :

Իսկ զնոյն բառս, կամ զբարդեալս 'ի նոցին բառից, կամ զբարդս ընդ արմատս իւրեանց յանդել, բնաւ և հակառակ է արուեստի . վասն որոյ ոչ են ըստ օրինի տողքս .

« Ծովուն հրաման Մովսէս. քե տայ ,  
Բայց տէրըն քե խրախոյս մեզ տայ : —  
Փոխի 'ի ցօղ զբւարթարար ,

Որ անյուսիցն է տըրտմարար : —

Օ իմաստութիւն զգեցիր քեզ զարդ ,

Մի զսրատմուճանըս բազմազարդ : —

Որպէս այգի ողկուզալի ,

Կամ ձիթենի պըտղով 'ի լի » :

Բայց նոյն բառ ըստ ամենեին այլ և այլ նշանակութեան, կամ որոյ բարդութեամբ փոխեալ իցէ նշանակութիւն, և կամ բայ ընդ անուան՝ յօրմէ ածանցեալն իցէ՝ կազմեսցէ զյանդ, ըստ արուեստի է . զոր օրինակ

« Թագաւորըն կամարար ,

Որ զՄարեմանսն ուրախ արար : —

Օ ի մերկ յայտնեաց զայն միաձին Որ  
դին և բան ,

Արդ ժողովուրդ սարսափեացիս՝ քե-  
տեալ գայս բան : —

Բամեալ 'ի քերըս տարրապէս  
Սուրբ Հոգևոր բանըս պէսպէս » :

## Գ Ա Ս Ե

Քանակ բառից :

Հ. Օրնչ է, և սրպէս չափի քանակ  
բառից .

Պ. Քանակ բառից է երկարութիւն և  
սղութիւն ը ձայնաւորի, յորմէ չափի թիւ  
վանկից : Օր ուր երկարի սա 'ի մէջ բաղա-  
ձայնից, վանկ գործէ . իսկ ուր սղի, չհա-  
մարի 'ի վանկ . վասն որոյ մի 'ի կարևորա-  
գոյն հմտութեանց տաղաչափին է գիտել՝  
ուր ձայնաւորս այս սղի կամ երկարի, և  
ուր աղատ է առ երկաքանչիւրսն :

Արդ ըստ գեղեցիկ կշռութեան չափուց  
Շնորհալոյն, ուր 'ի վերջս բառից գինի  
բաղաձայնի յաջորդէ « գիմորոշ կամ յոր-  
նակի, չսղի՝ եթէ ոչ զհետ գայցէ ձայ-  
նաւոր՝ կամ տառքս յ, հ : Այլ եթէ բաղա-  
ձայնն նախադաս « տառին՝ իցէ մի 'ի նայ-  
ից ՚, ւ, ւ, շ, շ, փ, մարթի սղիլ և առաջի  
բաղաձայնի, մանաւանդ եթէ նայ իցէ և

բաղաձայնն այն յաջորդ: Այս ամենայն  
երևի յօրինակսդ .

« Բնդ սանդղաձև բանըս քոյին :

Օ անկեալս 'ի մեզս անդրնդային :

Երանեցեր զորս 'ի բարին :

Ա՞ դրունս լուսոյ առաւօտիդ :

Մինչ 'ի յականջս հընչեալ ուժդին » :

Օ սոյն է իմանալ և վասն դիմորոշին Է,  
որ չսղի՝ թէ չյաջորդէ ձայնաւոր . իսկ  
դինի միոյ նայ տառի մարթի սղիլ զոր  
օրինակ .

« Օ ներող բնութիւնըդ շարժեցին :

Յորդեգրութիւն հօրրդ վերին :

Անապահան ազդ երկնային :

Քանզի ըզաէրդ իւրեանց տեսին :

Բզքեզ որ դանձդ ես երկնային :

Օ նորս ուսուցեր բանդ 'ի մարմին :

Բացեր զբերանդ աստուածային :

Այլ որ նըստիսդ յերկնից երկին » :

Իսկ եթէ սղերովն գուցէ վասնդ շփո-  
թելոյ ընդ այլ բառս՝ չսղի . որպէս մար-  
թին շփոթիլ Բանբ, Էանբ, Ժանբ, Ընդ Բանբ,  
Էանբ, Ժանբ: Օ այս շփոթումն բառից ըստ  
տեղւոյն դիտելի է և 'ի և ն որպէս մար-  
թին շփոթիլ Էանբ, Կանբ, Գանբ, Բանբ, Գ-  
անբ ընդ Էանբ, Կանբ, Գանբ, Բանբ, Գ-  
անբ :

Հ. Օ իմրդ փոփոխէ զբանակ բառից  
տառս կամ նախդիրս և .

Պ. Բնդ բաղաձայնս, մանաւանդ բաղ-  
մաւանկ բառից, սղի սովորաբար՝ եթէ  
նախադաս բառն յանդի՛ի ձայնաւոր. զոր  
օրինակ

« Եւսաւորեա զիսաւարս անձին :

Օ ի զթաղաւորդ ընդունիցին :

Օ ի զգուշացայց աւազակին :

Ինձ սրարդեւա զքեզ ձիր շնորհի » :

Իսկ եթէ նախադաս բառն յանդի՛ի բա-  
ղաձայն, ազատ է՛ի սղիլ կամ՝ի վանկ կազ-  
մել : Օնոյն է ասել և ևս, եթէ շ բնա-  
կան իցէ. զոր օրինակ

« Առչել զգրացիս դերաշխարհին :

Օ ի կատարեալ էառ զընութիւն :

Նարդոսքրքում զմուռ ընդ հալուին :—

Օ գեստ արկանէ տղայոց բէհեզ,

Օ հնազանդ լինելն հօր և հեզ » :

Բայց ընդ միավանկ բառս, և յորժամ  
զկնի ունիցի կրկին բաղաձայն սղելի, սո-  
վորաբար չսղի, եթէ ոչ միավանկիցն  
սկզբնատառք իցեն, կամ և. զոր օրինակ

« Ծածկեալ ըզգլուխըդ կըփէին :

Գեր ՚ի վերոյ քան ըզսնութիւնս :

Եւ տաս աճել իբրև ըզոյս :

Մերժել ըզչարն ատելութեամբ,

Գրրկել զբարին սիրելութեամբ :—

Եւ ըզսնապարծ բան յիմարին » :

Ուրեք ուրեք չսղի և ընդ ձայնաւորի, զք

« Անու ըզթագն և զդաւազան » :

Հիւսէ ըզմեզ ընդ նոյն սիրով :

Խորատէ ըզքեզ մի յաչաղել :

Կամ պետութիւն իշխանական

Թէ ընկալցիս դու ըզմարդկան » :

Բայց հասարակաբար զխտելի է, զի ուր ուրեք ազատ իցէ ամենեկին սղեն կամ երկարել, լաւ է երկարելն քան զսղել. զի որովհետեւ բաղաձայնք լեզուիս յուրք են, պարտ է քերթողին զգուշանալ 'ի յաճախելոյ և ևս զնոսին, զի մի գժուարալուր լիցին տաղքն լսելեաց :

## ԴԱՍ 2

Նայ տառք . — Զուղագրութիւնք բաղաձայնից :

Հ. Օ ինչ կանոնք իցեն երկարելոյ և սղելոյ Է ձայնաւորի առաջի նայ բաղաձայնից .

Պ. (Յորժամ նայ բաղաձայնքս՝, Ե, Մ, Լ, Ն, Ժ, հանդիպին 'ի սկիզբն բառից զկնի այլոց նայ կամ թաւ բաղաձայնից, որպէս Բն, Բբ, Գն, Գբ, Գլ, Դբ, Ըա, Էբ, Էլ, Էն, Էբ, Էլ, Էն, Էբ, Էլ, Էն, Էբ, Էլ, Էն, Էբ, Էլ, Էն, սովորաբար սղին. զոր օրինակ

« Վ ըիպեաց սնապարծ իւրով բանիւ » :

Օրինչ յանբնականն որ ակտասցին :

Չեղէ նմանող քում ծառային » :

Բայց եթէ յաջորդ ձայնաւորն իցէ երկ-  
բարբառս «-ա , «-է , «-ի , ոչ ևս սղի. զոր  
օրինակ

« Այլ իբր ճրագ ընդ գրբուանին :

Իզգրբգոութիւն կրոուասիրին » :

Իսկ 'ի միավանկ բառս եթէ ունիցին  
և կամ 'ի նախդիր, յայնժամ սղին սովորա-  
բար, ապա թէ ոչ, կարեն լինել երկար կամ  
սուղ քստ փափկութեան կամ թանձրու-  
թեան նախադաս վանկին : Օր եթէ նա-  
խադաս վանկն իցէ թաւ ինչ կամ խիստ,  
չսղին. իսկ եթէ պարզ իցէ ձայնաւոր կամ  
յանդեալ 'ի բաղաձայնքս յ, շ, ճ, հ, յ, շ, մար-  
թին սղիլ : Աոյնպէս եթէ նախադաս բա-  
ղաձայնն իցէ նոյն ընդ սկզբնատառ սղելի  
բառին, զոր օրինակ

« Աւ ոչ տըհաս տըղայն 'ի նմին :

Արք անագան գընել գնացին :

Պահանջեցեր զկնի նորին :

Օածկեալ ըզգլուխըդ կըռփէին :

Օի հնար լիցի ոգւոյս ստորին :

Սի արտաքոյ մնար հեղգութեամբ :

Խորասուզեալ մանկանցն 'ի յուխ

Խրատ ընծայէ սա հոգեբուխ » :

Հ, Օրինչ ապա եթէ 'ի վերջին վանկ  
բառից դիպիցին նայ տառքդ .

Պ. Ի յառաջել նայիցն՝ զկնի ունելով

զայլ բաղաձայնս , սղին . որպէս բանք ,  
 փռնդ , զարդ , արբ , կեղք , արբ , փռնք , ելք , ևն :  
 Իսկ ՚ի հետևել նայիցն՝ յառաջոյ ունե-  
 լով զայլ բաղաձայնս , ոչ սղին՝ եթէ չյաջոր-  
 դեսցէ անմիջաբար ձայնաւոր , կամ տառքս  
 , 4 . զոր օրինակ

« Յօղէր արասուրը ցաւազին

Սայր տեառն՝ որ կայր մերձ առ խաչին —

Բայց ինքն ինքեան անտեսանայ :

Եւ ինքրն գուլ և ոչ սրանայ . —

Դուռըն բանայ քեզ դիտութեան :

Եւ հրէական ազգըն կոծին :

Բզչափ մեղացն որով ստեցին : —

Արբեմն էաք մեք ըղձալի ,

Բայց այժմ եղաք յոյժ եղկելի : —

Այլ մատն եղէ անձամբ անձին :

Ուրք զեզն յառաջ պատրաստեցին » :

Եթէ զկնի վերջին նայիցն կայցէ դիմո-  
 թոչ ինչ . , 7 . ն , նայքն սղին , և դիմորոչքն  
 ոչ . որպէս այժմէս , համբէր , յետնէն , սափղէն .  
 զոր օրինակ .

« Բախեմ ըզգուռնրդ երկնային :

Բուռըն հարից տեառնրդ ոտին » :

Տ . Իցեն և այլ զուղաղրութիւնք բա-  
 ղաձայնից սղելիք .

Պ . Սղին սովորաբար և բառք , որոց  
 սկզբնատառք իցեն սք , սք , սկ , սու , սն , սք ,  
 սն , կք , ոք , քն . զոր օրինակ

« Ի յուսոյ սկսաւ ասէ ստեղծուած : —

Մի գատեցայց ընդ սպանողին ,

Բնդ փայլահանըն ստորանկին : —

Կտաւոց մահուն մարմնապատար :

Օքան հին և նոր կտակարանին :

Սխալեաց կամաւ 'ի յերկրորդին » :

Բայց այսորիկ 'ի միավանկս ոչ սղին ,  
եթէ անմիջապէս չիցէ նախադաս ձայնաւորինչ կամ նայ և կամ բաղաձայն ինչ  
նոյն ընդ սկզբնատառ սղելի բառին , զոր  
օրինակ

« Բանզի է սկիզբն իմաստութեան :

Եւ քսակըն հին փոփոխեցին » :

Եւսպէս և բառքս իւրաւի , պւրաւի , շտիւրաւ ,  
ևն , սղին 'ի իւրաւի , 'ի պւրաւի , 'ի շտիւրաւ , 'ի սպաս ,  
և այլն :

Ի զուգադրութեանց աստի այնորիկ՝ որ  
'ի սկիզբն իւրեանց ընդունին զձայնաւորն  
ը , եթէ զկնի երկուց բաղաձայնիցն յաւել-  
ցի միւս ևս նայ՝ տակաւին սղին . զոր  
օրինակ 'ի սփանել , 'ի սբրաւի , ևն : Իսկ  
եթէ զձայնաւորն ը ոչ 'ի սկիզբն՝ այլ 'ի  
մէջ երկուց բաղաձայնիցն ընդունին , ոչ  
սղին . զոր օրինակ իւրաւաւել , սբրաւի , և  
այլն :

Եւսպէս և այլ ամենայն զուգադրու-  
թիւնք երկից բաղաձայնից ոչ սղին , և սլա-  
հանջեն զձայնաւորն ը :



Իսկ զուգադրութիւն կրկին թաւ բազմայնից ՚ի սկիզբն բառի ոչ սղի, բայց եթէ նախադաս տառն իցէ ձայնաւոր կամ նայ՝ ընդ որ հեշտեալ կցեսցի մին ՚ի բազմայնից անտի . որպէս ՚ի Վայո-Յիւն, ՚ի Տփալիս, ՚ի Վահագն, ՚ի Վանան, ՚ի Վարդգէս, ՚ի Վարդգէս, ՚ի Վարդգէս, ՚ի Վարդգէս, ՚ի Վարդգէս, ՚ի Վարդգէս . զոր օրինակ

« Այլ զյարութեան պաուղս առաջին :

Մինչև քակել շտեմարանին :

Ի մարտ մըտելն ընդ դէմ տկարին :

Շինեալ ՚ի գիրկս իմ շքեղաւոր :

Եւ վասըն թքոյն ՚ի յիս գըթա » :

Այլ յոյժ զզուշութեամբ, և դուն ուրեք առ հարկի և եթ վարելի է ազատութեամբքս, զի դժուարին իսկ է անսայթաք հնչել զայնս .

### ԴԱՍ Է

Սղութիւն նախադրութեանցս Ընդ, Ըստ :

— Սղութիւն ձայնաւոր տառից :

Տ . Ո՞ր օրէն իցէ սղել զնախադրութիւնքս Ընդ և Ըստ .

Պ . Ընդ միայն , ուր առաջի կամ զկնի ունիցին ձայնաւոր . զոր օրինակ

« Օ՞ր ընդ փեսայիդ ՚ի յառազաստ :

Ընդ առաջ նորա թըսչիս ամպով :

Իարձեալ ասեմք ըստ անառակին :

Բ՞ստ արարչութեան երէց որդին » :  
 Այս սղեալ և առ և ճ տառիւք, զոր օրինակ  
 « Բ՞ստ հոգւոյն շնորհացըն եօթնարփին :  
 Ըռեր մարմինը՞ստ մերոյ բնութեան :  
 Սիւն՝ յորը՞նդ հանուրըս հաստատեալ » :  
 Օրոս առ հասարակ դրելի է ըստ նախ  
 նեաց այսպէս .

« Օ՞ր նդ փեսայիդ ՚ի յառադաստ :  
 Պ՞ առաջնորա թըռչիս ամպով :  
 Դարձեալ անեմք՝ ստ անառակին :  
 Ստ արարչութեան երէց որդին :  
 Ստ հոգւոյն շնորհացըն եօթնարփին :  
 Ըռեր մարմին՝ ստ մերոյ բնութեան :  
 Սիւն՝ յոր՝ դ հանուրըս հաստատեալ » :  
 Հ . Բաց ՚ի ձայնաւորէս շ, մարթի սղել  
 երբէք զայլ ձայնաւորս .

Պ . Սաղիսարոս և Շնորհալին երկա  
 վանկ առնեն զ Ս՝ճո-էւ. երեի և այլ ուրեք  
 ուրեք ազատութեամբս այսուիկ վարեցեալ  
 նախնեաց , զ Վ՝ճո-էւ եռավանկ առնելով ,  
 և զ Տ՝ճո-էւ երկավանկ , և այլն : Բայց ըստ  
 օրինի երկբարբառքս ու- , ու-է , ու-ի , ՚ի բազ  
 մավանկ բառս սղին . զոր օրինակ լ-՞ճո-էւ  
 զո-՞ճո-էւ , նո-՞ճո-էւ , զո-՞ճո-էւ : Իսկ յորս  
 չիք այլ վանկ բաց ՚ի դոցանէ , և ոչ նախ  
 դիր երկավանկ վարին սովորաբար՝ փո  
 խելով զ-՞ ՚ի շ . զոր օրինակ լւ- , նւ- ,  
 շւ- , շւ- , և այլն :

Դարձեալ և — կամ լոկ — եղեալ փոխանակ և ի ընդ ձայնաւորս, միշտ սուղէ զոր օրինակ

« Այս ան իմ ՚ի շաց նիստ ու ՚ի սրգի,

Աականալիր ու ողորմելի : —

Ո՛ր են խընկոցն ՚ի քեզ բուրմունք,

Աներեւոյթ և երեւելի » :

Այս սղեալ և ընդ : տառին . զոր օրինակ

« Այս իմաստուն և յիմարեցայ :

Իձէպէտ և յերկինս հողիքն ելին » :

Այս ուրեք զի ՚ի հանգիպել երկուց ձայնաւորաց, մանաւանդ նմանեաց, մին ՚ի վերջ նախորդ բառի և միւսն ՚ի սկիզբն յաջորդին, յապաւի մին ՚ի նոցանէ կամ սղի . զոր օրինակ

« Օ ի մի սոցունց արկցիս տապաստ :

Այսոքիկ են ընդ հանուր կանոնք քանակի բառից մերոց : Ապաքէն գտանին և այլ խտտորմունքինչ և համար ձակութիւնք քերթողականք . այլ զայս ամենայն սովորութիւն և կրթութիւն ուսուցանեն , և մանաւանդ զայն, թէ ո՞ր ՚ի սոցանէ ընդունելի իցէ կիրթ ախորժակաց , և ո՞ր զգուշալի :

ԳԱՍ Ը

Հովուաբանութիւն . — Քնարերգակ քերթութիւն . — Նուագ . — Խրատական քերթութիւն . — Թուղթ . — Երգիծանութիւն . — Աւակբ :

Հ. Տուր ինձ համառօտիւ տեղեկութիւն զազգի ազգի քերթութեանց . զինչ է Հովուաբանութիւն .

Պ. Հովուական կենաց և դաշտային պեղեցկութեանց քերթողաբար նկարագրութիւն : Ախորժելի է յոյժ քերթուածս . զի գնկարագիրս Հովուաց և զմշակաց և զգեղջէից , զորոց զանմեղ և զանխոով կեանս նկարագրէ 'ի նմա քերթողն , բաղգատեալ մեր ընդ քաղաքականին՝ զուարճանամք :

Պարտ է քերթուածոյս այսմիկ գող սլարղ և ամենեւին անսեթեւեթ . և դէպք 'ի սմա հոգեշարժք ուրախալիք և տրտմականք վայելուչ յոյժ և զմայլելի գործեն զքերթուածն :

Թէոկրիտոս 'ի Յունաց , և Վիրգիլիոս 'ի հռոմայեցւոց անուանիք եղեն յոյժ յայտազգ քերթութեան , առաջնոյն յարքունիս Պաղոմեայ եղբայրասիրի , և երկրորդին 'ի գրան Օգոստեայ կայսեր զրեալ զքերթուածն :

Հ. Օ՞րինչ է քնարերգականն քերթու-  
թիւն .

Պ. Այն՝ զոր քնարաւ կամ այլովք նուա-  
զարանօք մարթ է երգել, և կոչի սա Տաղ  
կամ Գանձ: Քնարերգութիւն զամենայն  
այլևայլ գեղեցկութիւնս ազգի ազգի քեր-  
թութեանց յինքն ժողովեալ, ՚ի վերայ այնու-  
ցիկ և զիւրն յաւելու յատուկ նկարագիր .  
որ են խանդք: Ար իբրև ազգի ՚ի քերթողն,  
ջերմանան միտքն, վառին ցնորքն, և ամե-  
նայն զօրութիւնք հոգւոյն զարթուցեալ՝  
օժանդակեն ՚ի քաջ քերթողութիւն: Մերթ  
իմաստք ազնուականք և պերճք, և մերթ  
խանդաղատելի և վայելուչ սրատկերք ընդ  
առաջ լինին, իմաստք բարոյականք վտեմք,  
վէտք քաջայարմարք, և դրուազք՝ գեղեց-  
կազոյնք յոյժ քան զնիւթ քերթութեանն:  
Քայց թէպէտև ազատութիւն է քերթու-  
ղին ՚ի սմա յիմաստից յիմաստս վազս  
առեալ անցանելոյ առաւել քան յայլ ամե-  
նայն քերթուածս, սակայն ոչ առանց  
իրիք կցորդութեան. ապա թէ ոչ, զառան-  
ցելոց բանք թուեսցին և ոչ առն խոհա-  
կանի:

Պինդարոս, քնարերգակ քերթութեան  
հայր ՚ի Յոյնս, զոմանս ՚ի հեռևողաց  
իւրոց զառածեցոյց յայս թերութիւն: Ավ-  
րատիոս հռոմայեցի զպինդարեան թոխս

մտաց չտփաւորեալ, զիտաց զկյորդու-  
թիւն իմաստից ընդ վսեմ՝ գեղեցկութիւնս  
լծորդել:

Ազգ ինչ քնարերգական քերթութեան  
է և՛ Աուագն անուանեալ, որ յերկուց քա-  
ռատողից և յերկուց եռատող տանց բաղ-  
կանայ: Բառ մի աւելորդ, և իմաստ ինչ  
օտար յառաջարկութենէն դրուագեալ յայն  
խանդարէ զգեղ նորա:

Չափաբերութեան օտիցն սլարա է զոլ  
անսայթաք և դիւրասահ, և յանդիցն՝  
յար և նման: Ախութոյն ամենեւին մի ինչ,  
և ոճոյն՝ տակաւ զօրաւորագոյն, աւար-  
տեալ յանակնկալ իմն և ՚ի հանճարեղ  
իմաստս:

Իտալացուոց է զիւտ նուագս, և առ  
նոսա յաճախեալ յոյժ. այլ զճոխութիւնս  
այլոց ազգաց փոխաբերել ՚ի մեզ՝ զովելի  
իսկ է:

Հ. Օ ինչ է իւրատական քերթութիւն.

Պ. Քան զամենայն ազգս քերթու-  
թեան օգտակար, զի ձեով բանիցն և և թ  
զանազանի ՚ի բարոյական և յիմաստա-  
սիրական ճատից. և քաղցրութեամբ սա-  
ղաչափութեան և քերթողական լեզուին  
ախորժ և դիւրընկալ ընծայեցուցեալ  
զիւրատն, և կենդանատիպ նկարագրու-  
թեամբք և պէսպէս գեղեցիկ դրուագօք

յափշտակէ և գրաւէ զմիաս ընթերցողաց,  
ազգողագոյն արարեալ նոցա զբաննն:

Յայս ազգ քերթութեան պահանջի  
կարգ և ոճ, ոչ որպէս յարձակ ճառս՝ բայց  
գիւրբմբռնելի ընթերցողին: Մշակականքն  
Վ իրգիլեաց կատարեալ օրինակք են առ  
այս:

Թուղթք և երգիծաբանութիւնք, որ  
յուղղութիւն բարուցկարողին՝ ի բնէ, խրա-  
տական քերթութիւնք են և այնոքիկ, այլ  
ոչ զնոյն կանոնաւոր ճշգութիւն պահան-  
ջեն: Բայց ՚ի սոսա առաւելագոյն խնդրի  
համառօտութիւն ՚ի պատուէրս: Ճշգրիտ  
նկարագրութիւն բարուց և բնաւորու-  
թեանց, կարճառօտ պատմութիւնք և առաս-  
պելք և զուարճալի հանճարաբանութիւնք  
պատշաճագոյն գործեն զարդ յայս ազգ քեր-  
թութեան, որք այլուր դուն ուրեք գտանեն  
սեղի: Այսոցիկ ամենակատար օրինակք  
են Արատեայ թուղթքն և երգիծաբա-  
նութիւնք:

Գարձեալ և առակք կամ առասպելք  
խրատական քերթութիւնք են, որք ՚ի ձեռն  
կեղծ օրինակաց կենդանեաց և անշունչ  
իրաց հրահանգեն զմարդիկ: Ասովպոս  
՚ի Յունաց անուանի քան զամենայն առա-  
կախօսս եկաց. և Փեդրոս զնորայսն ՚ի լա-  
տին բարբառ այնպէս վայելուչ քերթեաց

Հանդերձ յաւելուածով, զի ոչ ինչ ստորե  
քան զնա գտաւ : Իսկ առ մեզ Միսիթարայ  
Գօշի առակքն վայելուչք են առաւելագոյն  
մասամբ ըստ զիւտիցն, և ըստ Համառօտ  
ոճոյն :

### ԴԱՍ Թ.

Դիւցազներդակ քերթուծիւն :

Հ. Օ՛ ինչ է զիւցազներդակ քերթու  
ծիւն .

Պ. Գէսք ինչ մեծագործ քերթողա  
քար վիտադրեալ, առ 'ի սէր և 'ի զար  
մացումն առաքինութեան ձգելոյ զընթեր  
ցողս :

Որպէս զամենայն ազգս քերթուածոյ  
և առաւելագոյն ևս զիւցազնականն սա  
հանջէ միութիւն : Բայց միութիւնս այս  
ոչ արտաքսէ զզրուագս, որ են յարակից  
գէսք, թէպէտ և ոչ յոյժ կարևորք 'ի բովան  
դակութիւն առաջարկութեանն, այլ քաջ  
ընդ այնմ կցորդեալք : Որպէս զբուաղքն  
Վահոսի և Նիսոսի և Նւրիաղեայ Ննէա  
կանն Վիրգիլիոսի :

Պարտ է զիւցազներդակ քերթողին  
զմեծ ինչ և զկարևորաց իրաց առնել վէպս  
արժանի քերթութեան և զարդուց : Ըս



այս կարևոր է և հնութիւն իրայն . զի նորք և արդի իրք՝ փոքունք թուին և անարդք . և քերթողին ոչ համարձակեալ յաճախել 'ի նմա կեղծիս , թուի ցամաք և անպաճոյճ . և յաւելեալ քն իսկ կեղծիք ոչ միանան ընդ ճշմարտութեան , և չպատրեն զմիտս :

Պարտ է դարձեալ , զի ցանկալի իցեն վէպքն . առ որ մեծապէս օգնէ յազգային իրաց առնուլ զայն , որպէս Հոմերոս և Վիրգիլիոս . և այնպէս ճարտար զգլխաւոր դիւցազինն յարդարել զնկարագիր , զի ընթերցողացն ոգիք կապեալ ընդ նմա յամենայն խոչս և 'ի վտանգս կարեկից լիցին նմա :

Ըյս խոչք և վտանգք կազմեն զհանդոյց քերթութեան . և 'ի ճարտար մանուած նոցա հաստատի արուեստ մեծ քերթողին : Պարտ է նմա մօտալուտ և անճողոպրելի վտանգօք զարթուցանել զմիտս ընթերցողաց , տակաւ առաւելուլ զգթուարութիւնս և զվտանգս , և յերկար 'ի վարանս և յերկիւղի կալեալ զընթերցողս , ապա հաւանական դիպօք անակնկալ լուծանել զկրնճիոն , և հանգուցանել զմիտս . նմին իրի և յաջողութեամբ պատշաճ թուի աւարտել զգիւցազնական քերթուածս , զի մի ընթերցողք աղետալի կատարածիւն 'ի սպառ ընկճեսցին տրտմութեամբ :

Աւքանզի վէպս ճշմարտատիպս յօրինէ  
'ի դիւցազնականին քերթողն, պարտի գի-  
մաց իւրաքանչիւր որ 'ի նմա՝ տալ բնա-  
ւորութիւն և բարս սեփականս անյեղիս  
և հանգունատիպս ճշմարտին : Աչ է հարկ  
ամենեցուն նոցա առաքինիս գոլ և ան-  
ստղիւտս բարուք, այլ և զդէմն ակտուորս  
և զմոլիս մարթի ըստ պատշաճի 'ի ներքս  
մուծանել . բայց միայն զի աւագագոյնք  
և առաքինիք և եթ 'ի նոցանէ սիրելիք իցեն :

Աւ մանաւանդ զդիւցազնն՝ առաջնորդ  
իրացն՝ պարտ է ցուցանել մեծ և երևելի  
քան զայլս և զարմանալի առաքինութեամբ-  
որպէս Մքիլէս և Ադիսեւս 'ի քերթուածս  
Հոմերի, և Անէաս 'ի Վիրգիլեայն :

Ի դիւցազնականն քերթութիւն խառ-  
նին և հոգեղէն էակք, և 'ի ճարտար խառ-  
նութեան նոցին է բարւոք կազմածն՝ որ  
մեքենայն կոչի : Բայց պարտ է քերթո-  
ղին յայտոսիկ զչափ պահել, և մի հրաշս  
'ի մտաց ստեղծանել . այլ զոր կրօնք և  
աւանդութիւն ընկալան, նորօք և եթ վա-  
րել . զի հաւանականք իցեն :

Անդատին 'ի սկզբանէ պարտ է քեր-  
թողին և բացայայտ յանդիման առնել զա-  
ռաջարկութիւն իրացն, առանց մեծամե-  
ծըս խոստանալոյ : Աճոյ դիւցազնականին  
անկ է գոլ վսեմ և ազդու, առանց ծեք-

ժերանայ և արուեստակութեան . և կրից  
'ի նմա ծանունս զոլ , առանց քնքշանայ  
և թեթևութեան :

Արևելագոյնք 'ի զիւցազներգակ քեր-  
թոզս են Հոմերոս և Վ իրգիլ . և անաս-  
մանելի յուզի վէճ , թէ ո՞ր 'ի սոցանէ յեր-  
կոյունց գերազանցագոյն իցէ :

### ԴԱՍ Ժ

Ողբերգութիւն . — Վատակերգութիւն :

Հ . Օրնչ է ողբերգութիւն .

Պ . Ողբերգութիւն 'ի սկզբանէ առ Յոյնս  
էր երգ իմն 'ի հանդէս սպանդարամե-  
տական տօնին , յորում նոխազ 'ի նուէր  
Դիոնիսի զոհէին . յորմէ՛ Նոխազերգութի  
առ Յոյնս կոչեցաւ ողբերգութիւն : Թեո-  
պիս նախ իբր 536 ամօք նախ քան զթուա-  
կանութիւն փրկչին կացոյց զոմն 'ի պարն  
'ի հանգիստ երգեցողաց , սլատմել զգիւց-  
ազին ուրուք վէպս : Ասան Ասքիզոս 50  
ամօք գինի , երկուս ըստ միոյ կացոյց դեր-  
ասանս 'ի պարն՝ խօսակցել ընդ միմեանս  
և վէպս ինչ ցանկալիս և ոգէշարժս ածել  
'ի տեսիլ . և տախտակամաճ բարձրաշէն  
կառոյց խաղետղ , շուրջանակի պատշաճ  
նկարուք զարդարեալ . և ինքն նախ 'ի

յարդ և 'ի կերպարանս ամ զթատրերգութիւն, զոր ապա Սոփոկղ և Աւրիպիդէս ամին 'ի կատարումն :

Աղբերգութեան անկ է կրթել զսիրտ՝ կարեկցութեամբ ընդ թշուառացեալս, սիրով առ բարեբարոյս, և ատելութեամբ առ չարս : Այլին իրի թէպէտ և մարթ է քերթողին և հաւանական կեղծեօք շարժել զսիրտ, այլ լաւ ևս յաջողեն պատրանք. եթէ հիմն ինչ ճշմարտութեան իցէ 'ի վէպսն ծանուցեալ յամենեցունց :

Ապա հաւանականութիւն կարևորագոյն մասն է 'ի վէպսն, և առ այս խընդրին երբեակ միութիւնք, իրացն, տեղւոյն և ժամանակի :

Առաւել քան 'ի դիւցազնականն պահանջի 'ի սմա միութիւն, որպէս զի մի 'ի սուղ ժամանակին 'ի բազումս զբաղեալ միտք՝ չառցեն պարապ 'ի շարժել : Բայց հանդերձ միութեամբն մարթին յաճախել 'ի նմա դէպք և դէմք, թէպէտ և զգուշալի չխուկել յոյժ զայնս, զի մի բազմաշփոթ խրթնութեամբ նուաղեսցի զօրութիւն քերթուածոյն :

Աչ միայն 'ի բովանդակ թատրերգութեան պահանջի միութիւն, այլ և յարարուածս իւրաքանչիւր՝ յորս վէպքն հատանին : Սովորաբար 'ի հինդ արարուածս

Հասանին, այլ պարտ է քերթողին 'ի պատ-  
շաճ տեղւոջ առնել զհատուածն, ուր 'ի  
բնէ իսկ հատեալ իցեն վէսքն, և ուր մարթ  
իցէ համարել բազում ինչ 'ի միջոցի անդ  
գործեալ՝ որոց չմարթի գործել 'ի թասերն:

Յառաջնում արարուածին պարտ է քեր-  
թողին ցուցանել բացայայտ զորոց իրաց  
իցէ ողբերգութիւնն, 'ի ցանկութիւն այ-  
նոցիկ ածել զկացեալն 'ի զնին, ծանօթս  
տալ զգլխաց իւրաքանչիւր՝ որ անդր 'ի  
ներքս մտանելոց իցեն, և զկրից նոցա, և  
զհանդամանաց անցիցն:

Յերկրորդ, յերրորդ և 'ի չորրորդ արա-  
րուածս տակաւ պարտ է դժուարագոյն  
զինձիոն գործել, և յաճախել տակաւ զվա-  
րանս 'ի տեսողս:

Իսկ 'ի հինգերորդումն պարտ է կերպա-  
րանափոխ առնել զիրան, և զհանդոյցն  
լուծանել, յորում հանձար մեծ և ճարտա-  
րութիւն քերթողին, զի իբրև ինքնին պար-  
զեսցին իբքն:

Չէ հարկ ողբերգութեան տխրու-  
թեամբ աւարտել, այլ շատ է զի իցեն 'ի նմա  
հոգք և անձկութիւնք և կարեկցութիւն  
ընդ վիշտս առաքինեաց, թէպէտ և 'ի վախ-  
ճանի յաջողեսցէ նոցա: Այլ սովորաբար  
անկ է ողբերգութեան տխրութիւն իմն  
առաքինական թողուլ 'ի հոգւոջ:

Առ միութիւն իրացն կարևոր է և տեսարանաց իւրաքանչիւր ընդ իրեարս ճարտար կցորդութիւն . զի չէ օրէն բնաւ դատարկանալ թատերն, խաղալիաց ամենեցուն ելանելով 'ի բաց, և այլոց 'ի տեղի նոցա փոխանակելով, տեսարան նոր և անկցորդ ընդ նախորդին բացեալ: Այլ ոչ օրէն է ելումուտ դերասանաց առանց յայանի պատճառի:

Առ կատարեալ միութիւն իրացն պահանջի և ժամանակի և տեղոյ միութիւն: Արդ առ միութիւն ժամանակի հարկ է, զի որ ինչ յարարուածս իւրաքանչիւր կեղծին՝ չկարօտիցի առաւելագոյն ժամանակի քան զոր 'ի կեղծիս անդ անցանէ: Բայց քանզի ընդ մէջ արարուածոց համարի միջոց ժամանակի առաւել կամ նուազ, մարթ է զժամանակ իրաց բովանդակ ողբերգութեանն սահմանել 'ի քսան և չորս ժամ:

Իսկ առ միութիւն տեղոյ, շատ է 'ի նմին քաղաքի հաստատուն ունել զտեսարանն, այլ օրէն է տեղի 'ի տեղւոյէ փոփոխել զայն 'ի քաղաքի անդ, սովորաբար յաւարտ արարուածոցն:

Գլխաւոր դիմաց ողբերգութեան պարտ է ազնուականս զոլ և իշխանազունս, որ պէս զի աղէտք նոցա ազգողագոյնք իցին: Բնաւորութիւնք նոցա մի բարեացն և մի

չարաց ծայրացեալք իցեն. զի միոյն ամենեւին տարապարտ վշտակրութիւն զըժպըճի թուի, իսկ միւսոյն արժանահաս վիշտ ոչ ինչ արժանի կարեկցութեան : Ահազուկրից պարզ և անպաճոյճ է և առանց կարի հանճարաբանութեանց, վասն որոյ զիմաստըս բարոյականս չափով և ըստ պատշաճի սարտ է 'ի կիր արկանել, և մի յաճախել զայնոսիկ յանդէպս :

Հ. Օ՛ ինչ է կատակերգութիւն.

Պ. Օ՛ւուարճաբար հրահանգել զտեսօղս, ծաղը կացուցանելով զմոլորութիւնս և զախտս : 'Ամին իրի վէպք 'ի սմա ոչ զաւաղաց արանց՝ այլ զհասարակաց կենաց զանցս յանդիման առնեն : Միութիւն իրի, տեղոյ և ժամանակի, և տեսարանաց ընդ միմեանս անընդհատ կցորդութիւն, և խողետեղն չմնալ դատարկ, և անձանցն չելանել և չմտանել անպատճառ, և այլ ևս կանոնք ողբերգութեան նոյնք և 'ի սմա պահանջին :

Ամենայն ազգաց և ամենայն ժամանակաց իրք մարթին 'ի դէպ զալ ողբերգութեան, այլ ոչ և կատակերգութեան. զի ախտք մեծամեծք և առաքինութիւն և բոնագոյն կիրք նոյն են միշտ և անփոփոխ յամենայն ազգս և 'ի ժամանակս. այլ թեբութիւնք մանունք հասարակաց կենաց՝

որ պատկանին կատակերգութեան՝ ըստ  
ազգաց և ըստ ժամանակաց փոփոխին , և  
ծաղրականք առ մին՝ ոչ նոյնպիսիք են :  
Վասն իրի որ հրահանգել կամի զազգ իւր,  
պարտի զախաս և զթերութիւնս ժամանա-  
կակցաց իւրոց համազգեաց նշաւակել ՚ի  
թատեր :

Բայց զզուշալի է ՚ի նկարագիրս բա-  
րուց մի քան զընականն ստուարացուցա-  
նել զծաղրելին , այլ որպէս յամենայնի ,  
հետեւել և ՚ի սմա բնականին :

Բնդ սովաւ բովանդակին և այլ ամե-  
նայն քերթածք ծաղրածուք ազգի ազգիք ,  
զորոց առաջին օրինակն ետ Հոմերոս ճակա-  
տամարտիւ մկանցն և զորսոց : Այլ այսո-  
ցիկ ամենայնի , որպէս և այլոց բազում  
ազգի ազգի քերթութեանց և տաղից ման-  
րապատում ճառք , քերթողական արուես-  
տին վարժապետաց են անկ , աստանոր  
այսքան տեղեկութիւն շատ լիցի համբա-  
կաց հոետորականին :





## Յ Ա Ն Կ

Անդամք տաղաչափութեան . . . . .	2
Առասպելէք կամ առակք . . . . .	33
Դիւցազներգութիւն . . . . .	34
Երգիծանութիւն . . . . .	33
Երկարութիւն շ տառի . . . . .	23
Թուղթ . . . . .	33
Խրատական քերթութիւն . . . . .	32
Կատակերգութիւն . . . . .	41
Հանգիստ սողից . . . . .	10
Հովուաբանութիւն . . . . .	30
Յանգ սողից . . . . .	11
Նուազ . . . . .	32
Ողբերգութիւն . . . . .	37
Չափ ոտից կամ վանկից . . . . .	5
Սղութիւն շ տառի . . . . .	23
— նայ տառից . . . . .	24
— նախադրութեանցս ընդ ըստ . . . . .	27
— ձայնաւոր տառից . . . . .	28
— Այլ սղութիւնք . . . . .	25
Տաղաչափութիւն . . . . .	1
Քանակ բառից . . . . .	20
Քնարերգակ քերթութիւն . . . . .	31





